

UNIVERZITET U SARAJEVU - FILOZOFSKI FAKULTET

Na osnovu članova 106. Zakona o visokom obrazovanju ("Službene novine Kantona Sarajevo" broj: 36/22), članova 129. i 135. Statuta Univerziteta u Sarajevu (broj: 01-1093-3-1/18 od 28. 11. 2018. godine, člana 21. do 27. Pravila studiranja za treći ciklus studija na Univerzitetu u Sarajevu – doktorski studij broj: 01-1101-79-1/18 od 19.12.2018, Odluke Senata o dopuni Pravila studiranja za treći ciklus studija na Univerzitetu u Sarajevu broj: 01-3-40/19 od 30. 01. 2019. godine, Odluke Senata o izmjeni i dopuni Pravila studiranja za treći ciklus studija na Univerzitetu u Sarajevu broj: 01-32-137/19 od 30. 10. 2019. godine, Tumačenja Pravila studiranja za treći ciklus studija na Univerzitetu u Sarajevu – doktorski studij broj: 01-17-104/20 od 22. 07. 2020. godine, Odluke Senata Univerziteta o saglasnosti za otvaranje trećeg ciklusa studija iz pedagogije – Teorije i istraživanja kreativnog odgoja i obrazovanja broj: 01-38-1828/14 od 07. 05. 2014. godine, Prijedloga Vijeća dokorskog studija od 18. 5. 2023. godine, Prijedloga odluke Vijeća Univerziteta u Sarajevu - Filozofskog fakulteta broj: 03-09/196 od 1. 6. 2023. godine, Odluke Senata Univerziteta o raspisivanju konkursa za upis studenata trećeg ciklusa studija (doktorski studij) iz pedagogije u studijskoj 2023/2024. godini broj: 01-12-23/23 od 22. 6. 2023. godine, Univerzitet u Sarajevu - Filozofski fakultet *objavljuje*

KONKURS

Za upis studenata u TREĆI CIKLUS STUDIJA – DOKTORSKI STUDIJ IZ PEDAGOGIJE – Teorije i istraživanja kreativnog odgoja i obrazovanja na Univerzitetu u Sarajevu - Filozofskom fakultetu, u studijskoj 2023/2024. godini.

I

Konkurs se raspisuje za upis studenata u treći ciklus studija - doktorski studij iz pedagogije – Teorije i istraživanja kreativnog odgoja i obrazovanja.

Studij se organizira u trajanju od tri godine, a njegovim završetkom stiče se naučno zvanje „DOKTOR PEDAGOŠKIH NAUKA“.

II

Na doktorski studij pedagogije mogu se upisati kandidati koji su završili:

- a) Prvi i Drugi ciklus studija iz pedagogije, pedagogije i psihologije, te antropologije, kao i dvopredmetni studij kombiniran s pedagogijom
- b) Prvi i Drugi ciklus studija iz područja ranog i predškolskog odgoja i obrazovanja te primarnog odgoja i obrazovanja
- c) Prvi i Drugi ciklus studija iz srodnih polja društvenih i humanističkih znanosti: odgojne znanosti, psihologija, sociologija, informacijske i komunikacijske znanosti i edukacijsko-rehabilitacijske znanosti
- d) postdiplomski studij (magistri nauka po predbolonjskom sistemu) iz prethodno navedenih tačaka

Uvjeti za upis na doktorski studij pedagogije su:

- završen studij vrednovan sa 300 ECTS bodova, sa prosjekom ocjena na Drugom ciklusu studija minimalno 8,00
- završen postiplomski studij sa stečenim zvanjem magistra nauka (za kandidate koji su završili predbolonjski studij)
- objavljen najmanje jedan znanstveni ili stručni rad u recenziranom časopisu

Kandidati prilikom prijave na konkurs moraju naznačiti za koji se izborni modul opredjeljuju:

1. Kreativni odgoj i obrazovanje u učećem društvu
2. Kreativni odgoj, kultura i kič
3. Aksiološkijske osnove kreativnog odgoja
4. Razvijanje i podsticanje kreativnog ponašanja učenika

Kandidati strani državljani prijavljuju se na konkurs pod istim uslovima kao i državljani Bosne i Hercegovine, uz uvjet da dostave rješenje o nostrifikaciji.

III

Uz prijavu na konkurs za upis na doktorski studij, kandidati su obavezni dostaviti:

1. Biografiju sa bibliografijom
2. Diplomu o završenom prethodnom visokom obrazovanju (original ili ovjerena fotokopija)
3. Uvjerenje o položenim ispitima ili Dodatak diplomi s dodiplomskog i diplomskog studija (original ili ovjerena fotokopija)
4. Rješenje o priznavanju inostrane visokoškolske kvalifikacije (original ili ovjerena fotokopija), ako je diploma stečena u inostranstvu
5. Izvod iz matične knjige rođenih (original ili ovjerena fotokopija)
6. Uvjerenje o državljanstvu (original ili ovjerena fotokopija)
7. Primjerke objavljenih znanstvenih i stručnih radova.

IV

Visina školarine iznosi 5.000,00 KM po godini studija.

V

Nastava za studij će se organizovati za sve kandidate koji ostvare pravo na upis.

VI

U skladu sa članom 26c. Pravila studiranja za treći ciklus studija na Univerzitetu u Sarajevu – Doktorski studij, studenti doktorskog studija mogu studirati u punom radnom vremenu ili u dijelu radnog vremena (studij se organizira kao redovni i kao vanredni studij u zavisnosti od interesa i mogućnosti pohađanja prijavljenih kandidata).

VII

Konkurs ostaje otvoren 15 dana od dana objavljivanja.

Prijave dostaviti u zatvorenoj koverti na adresu: Univerzitet u Sarajevu - Filozofski fakultet, ulica Franje Račkog 1, 71000 Sarajevo, sa naznakom "Prijava za upis na doktorski studij iz pedagogije".

Obrazac prijave može se preuzeti sa WEB adrese Fakulteta www.ff.unsa.ba.